

11

1814

13

LE

COVRIER
GENERAL
DE LA PAIX.

2547

g



A PARIS,

Chez JEAN BRUNET, rue saint
Germain, aux trois Pigeons.

M. D. C. XIII.

11 pp.
coll.
97

ACC 83-101(73)



LE COVRIER GENERAL DE LA PAIX.

FRANCE cessez vos gemissemens & vos larmes, cessez de s'incoper vos soupirs qui seruent d'obstacle à vostre repos, hastez vous de tesmoigner que vous estes aussi sensible à vostre bon heur qu'aux accidens de l'infortune; Car le Gouverneur du Ciel & de la terre qui sembloit auoir donné la licence à vostre desastre, à retenu tout à coup le mors de l'ambition qui vouloit vous suppediter: Sus donc patrie preparez vous de cueillir les guirlandes de nos delices, sans couuer comme vous faictes dans le cendrier de diuers pensemens; Je sçay bien que la peur vous à peu changer le visage, mais quoy? Puis que vous estes affranchie de la blesure, il ne vous reste plus d'honneur pour sospirer de l'inconstance.

Quand à moy, lors que ie reuiens au sens de mes plus fertiles considerations, & que ie considere le caractere de plusieurs esprits de ce temps, touchant l'absence de Monseigneur le Prince de Condé, il me semble que ie vois vne bluette s'esleuer, pour s'esleuant vouloir cognoistre ce qui est de plus secret & releué, car il est du tout hors d'apparence de mettre foy qu'un Prince de merite & de valeur, qui tient en Cour le premier rang, qui est François

de nation, vueille s'armer contre son Roy pour se rendre son rebelle, & de legitime qu'il est à sa patrie se faire declarer naturel seulement: ha! France vous avez succé ie le sçay bien le fiel de la crainte & de l'aprehension, de laquelle i'ay aussi esté participant vous avez tremblé avec autant d'accez de fiebure comme si des-jà le mal eust esté enraciné, aussi le subiect en estoit par trop legitime voyant tant d'enfans de Mars rechercher vostre dommage.

S'en est faict l'Aconit a trouué son Antidot, l'orage & la foudre son calme, & le tourment sa tranquillité, il n'est donc plus question d'en soupirer, mais ce qui nous reste par obligation & commune & naturelle, c'est qu'il faut tous esleuer nos voix aux chants de ioye & d'alegresse, & de rouillées qu'elles estoient d'affliction les consacrer à l'harmonie. France ie vous y conjure encore vn coup, la raison vous y oblige, & les graces qui vous viennent caresser, ne cesseront iamais leur entreprise qu'elles ne voyent bas vostre tremeur & vostre deuil aneanty: he! quoy? Croiriez-vous, que ce fut vne fourbe de laquelle l'on voudroit abuser vos fideles nourrissons, que de publier le repos vniuersel, non, non, les Maiestez qui nous regissent ont trop de diuines inspirations pour nous laisser succomber dans le mal-heur, ioinct d'autre part que les œillades qui nous sembloient louches, n'ont point eu leur aspect d'autre costé qu'à nous secourir au l'aby-

rinthe auquel la licence du temps nous peut conduire. A la verité le lustre & le cliquetis des armes ont l'action de leurs effects si desplaisante aux gens de bien, que quand ils songent à la legereté de leur premiere cause ils se remettent deuant les yeux ce qu'autrefois le Grand Marius en disoit, par ce que tout estat bien composé & qui ne respire que le repos met incontinent à vil prix sa condition quand Mars commence à faire ses courses; de façon que, ou que l'on considere le subiect, ou que l'on en calcule les causes, en fin cest vn miroir que nous voyons, representatif absolument des malheurs qui nous talonnent.

Qu'elle sera donc nostre resolution chere patrie voyant les retirez de la Cour de nostre Roy se faire assister de Martiaux plus que iamais, dirons nous que cest la destinée qui nous regarde de trauers où si nous blasmerons leur proptitude, non, s'ils ont tort raisons le but de leur visée & nous cōsolōs avec ce grād Orateur de Rome qui parlant aux courages bouffis d'ambirion s'escrie deuant eux en ces termes. *O fragile & trompeuse esperance des hommes qui faict naufrage plus de cent fois auant que d'arriuer au port desiré, & auant que de le pouuoir seulement descouurir,* Et ce ne sera point hors de propos, car comme remarque saint Hierosme en Isaye liure septiesme, tout le bon-heur d'un siecle n'est pas si tost cueilly, qu'on le voit morne & flestry ainsi que les fleurs & les fueilles pendant la rigoureuse saison de l'hyuer. Donc si les triom-

phes desirez pour paruenir au sommet de la grandeur, ont tant de force que de tirer les ames les plus genereuses hors le sentier de l'integrité, n'ayant en ce bas monde selon Senecque que des reuolutions & changemens qui suiuent à la piste le chasseur dans son dommage, nous pouuons nous asseurer que ny le Cypres ny le Iossemin ne seront empacquetés pour estre opposez à nos narines, mais bien les œillets & les roses qui feront renaistre nos esprits pour escouter ce Corbeau d'Esopé qui se voyant oppressé de maladie prie sa mere d'implorer la misericorde des Dieux pour l'assister en son infortune, à quoy elle fait la sourde oreille scachant que les extremitez n'obligent point de largir de l'affection ainsi que la naissance du respect.

Sus donc Collines, sus donc monts sourcilleux de ma Tempe, prenez à ce coup en grés mes nouuelles, & quoy que le Torrent de la guerre vous ayt humecté de ses ruisseaux ny ayez plus vostre pensée, ou du moins si vous en restez quelque ressentiment, que cessoit avec le meslange du plaisir que vous receuez iournellement de voir dans le sceptre du Roy l'olivier en sa verdure: De ma part j'ay prié les Dieux afin de me roidir tout à coup cōtre l'effort de ce qui peut rendre mon cōtētemēt funeste desirant cōme fidele François, de prendre le bouclier de resistance qui ne peut estre entamé quelque choc quel'on puisse faire contre luy: Ce sont les mes vœux & mes protestations, ainsi ie vis

& vëux finir mes iours , & si dauanture courant
deça & dela comme Courier ie descouure quel-
que reuolte, l'on se peut assëurer de m'a fidelité
tât au seruice de mō Roy qu'à la defence de ma
patrie , ne desirant faire d'autre conqueste que
le renom apres mon trespas d'auoir esté le vray
François qui ne se voulant laisser emporter
aux vents de la flatterie a voulu emporter
quand & quand luy cest escreteau , *hic fuit fidelis,
& fortis defensor patriæ.*

Ie le dis qu'il me suffit d'auoir pour toute paru-
re à ma renōmee cest escreteau , & mon dire ne
doit estre reuoqué, cōme trainās en queue quel
que faintise, au cōtraire l'ō y doit auoir esgard
comme ayant pris son origine dans le plus se-
cret cabinet de la sagesse qui oblige d'em-
ployer ses forces pour la conseruation de son
Roy , & pour la deffence de sa patrie : Ouy ie
le dis vne & deux fois voire trois s'il est ne-
cessaire , que toute ame purement nette doit
croire triompher en la mort, quād cest pour le
lieu de sa naissance , & non point triompher
seulement , mais viure d'vne vie glorieuse qui
atteint iusques au sommet de l'honneur & de
la gloire.

Ha ! Chameaux du temps, si pour estein-
dre l'ardeur de vostre soif vous ne vous amu-
sez point a troubler vostre breuuage , ie croi-
rois de vous ce que ie desirerois pour vostre
bien, mais quoy ? Pour satisfaire à vos desirs vn
chacun en son particulier est tellement piqué
de la blessure de vos imaginations , que l'on

les iuge pour allumettes ialouses de nostre felicité, & non point pour des Colomnes qui vueille supporter le faix de nos desordres, ou du moins remedier à leur inconuenient. Vous y songerez si bon vous semble, car si d'un costé vos esprits se donnent de la recreation, de l'autre vostre renommee pert son lustre & son esclat au grand regret de tout le monde: Si vous croyez que ce soit mon interest qui me fasse exhiler ce cry d'amour sans qu'il y ait de la sincerité & de l'affection, il y a tant d'inuentions qui peuuent faire manifester mon ame & ma pensée, qu'à la moindre vous la verrez comme dans vne glace pourtraiture.

Efforcez vous donc d'abattre ce nuage duquel vous offusquez la lumiere de vos plus belles conceptions, & cessez de donner vos aduis comme vous faites à celuy que nous deuons honorer & respecter; nous l'aymons, il est François, son ame se ressent de la patrie, mais vos mescontentement sont les guidons de ses desseins plus plausibles mille fois que nuisibles & dommageables.

Quand à moy ie ne puis rien iuger de sa grandeur quelque bruit que l'on puisse faire courir de son absence qui ne soit accompagné de toutes les conditions & qualitez requises à sa valeur & à son merite, car sa bienueillance & sa courtoisie ont rendu par le passé trop de tesmoignage de ce qu'il est, & à trop graue de bonnes impressions dans les cœurs des François subtilisez pour à present tourner le papier à rebours:

à rebours : Aussi comme remarque le grand Platon nous ne sommes point naiz tant pour nous mesmes que nous ne deuions iustifier nostre affection enuers nostre mere nourissiere, ce que faisant autrement l'on nous reputeroit pour prodiges de la nature, ou pour monstres entre les hommes plus aueuglez mille fois que la Taupe qui ne voit iamais lumiere qu'elle ne soit talonnee de la mort.

Laissons la ce qui s'est passé, mettons en oubly le remuemēt & le cliquetis des armes, que chacun se range en son deuoir, vous Messieurs qui estes esloignez de la Cour, venez a resipience, l'honneur vous y conuoque, & vous donne le Cartel pour combattre dans le champ de la fidelité & du seruice, le Roy desire vous y voir, & la Royne qui conduit si sagement le grand vaisseau de la France par le calme & par l'orage n'aura iamais de contentement, qu'elle ne voye au iour ce que vous possédez de bon naturel, attendant quoy d'une ioye my-naisante ie charmeray mes fatigues ordinaires, & donneray trefue entiere à mes ennuis pour vous rendre à vostre retour le respect que ie vous dois en qualité de fideles seruiteurs & subiects de sa Majesté.

FIN.

B

A V R O Y.

Grand Roy dont l'honneur & la gloire
 Bastist vn temple d'iuoire
 Je suis Courier general,
 Qui de iour & de nuit s'abandonne
 Soignant que vostre Couronne
 Ne soit esclaué du mal.

Par vne tres-subtile amorce
 J'ay descouuert que la force
 Se tramoit de beaux lauriers,
 Et voyant cest ourdisage
 J'ay faict mon apprentissage
 A courir sus des premiers.

Fort bien vous le sçauéz, Sire,
 Que des-jal'on vouloit rire.
 Se plaissant à la Charité,
 Mais quoy pour iuste deffence
 L'on a veu la decadance
 Pour ceux qui l'ont merité.

AVX FRANCOIS

SVs François que vos courages
 Soient tous de petits orages
 Pour la querelle du Roy,
 Careissez ceux dont les armes
 Ne respirent que vacarmes
 Soubz le drapeau de la foy.

Debout, car il est difforme
 Que maintenant on s'endorme
 Parmy tant de surueillans,
 Ce seroit toute leur ioye
 Que de nous auoir pour proye
 Au doux Auril de nosans.

Encores que la fortune
 Soit quelque fois importune
 A ceux qu'elle va riant:
 On doit pourtant se resoudre
 Au tonnerre & à la foudre
 Plustost que d'estre au neant.

Croyez moy Compatriottes
 Car ce ne sont point riottes
 Ny discours de vanité
 Ce sont les vrayes tesmoignages
 Que ie recherche les gages
 De nostre tranquillité.

FIN.

ANNEE FRANCOISE

Le 1er Mars 1793
Le 2e Mars 1793
Le 3e Mars 1793
Le 4e Mars 1793
Le 5e Mars 1793
Le 6e Mars 1793
Le 7e Mars 1793
Le 8e Mars 1793
Le 9e Mars 1793
Le 10e Mars 1793
Le 11e Mars 1793
Le 12e Mars 1793
Le 13e Mars 1793
Le 14e Mars 1793
Le 15e Mars 1793
Le 16e Mars 1793
Le 17e Mars 1793
Le 18e Mars 1793
Le 19e Mars 1793
Le 20e Mars 1793
Le 21e Mars 1793
Le 22e Mars 1793
Le 23e Mars 1793
Le 24e Mars 1793
Le 25e Mars 1793
Le 26e Mars 1793
Le 27e Mars 1793
Le 28e Mars 1793
Le 29e Mars 1793
Le 30e Mars 1793

Le 1er Avril 1793
Le 2e Avril 1793
Le 3e Avril 1793
Le 4e Avril 1793
Le 5e Avril 1793
Le 6e Avril 1793
Le 7e Avril 1793
Le 8e Avril 1793
Le 9e Avril 1793
Le 10e Avril 1793
Le 11e Avril 1793
Le 12e Avril 1793
Le 13e Avril 1793
Le 14e Avril 1793
Le 15e Avril 1793
Le 16e Avril 1793
Le 17e Avril 1793
Le 18e Avril 1793
Le 19e Avril 1793
Le 20e Avril 1793
Le 21e Avril 1793
Le 22e Avril 1793
Le 23e Avril 1793
Le 24e Avril 1793
Le 25e Avril 1793
Le 26e Avril 1793
Le 27e Avril 1793
Le 28e Avril 1793
Le 29e Avril 1793
Le 30e Avril 1793

Le 1er Mai 1793
Le 2e Mai 1793
Le 3e Mai 1793
Le 4e Mai 1793
Le 5e Mai 1793
Le 6e Mai 1793
Le 7e Mai 1793
Le 8e Mai 1793
Le 9e Mai 1793
Le 10e Mai 1793
Le 11e Mai 1793
Le 12e Mai 1793
Le 13e Mai 1793
Le 14e Mai 1793
Le 15e Mai 1793
Le 16e Mai 1793
Le 17e Mai 1793
Le 18e Mai 1793
Le 19e Mai 1793
Le 20e Mai 1793
Le 21e Mai 1793
Le 22e Mai 1793
Le 23e Mai 1793
Le 24e Mai 1793
Le 25e Mai 1793
Le 26e Mai 1793
Le 27e Mai 1793
Le 28e Mai 1793
Le 29e Mai 1793
Le 30e Mai 1793